南無法華會上佛菩薩 (三稱) 妙法蓮華經卷第四 妙法蓮華經五百弟子受記品第八

爾時富樓那彌多羅尼子,從佛聞是智慧方便隨宜說法,又聞授諸大弟子阿耨多羅三藐三菩提記,復聞宿世因緣之事,復聞諸佛有大自在神通之力,得未曾有,心淨踊躍。即從座起,到於佛前,頭面禮足,卻住一面,瞻仰尊顏目不暫捨,而作是念:「世尊甚奇特,所為希有!隨順世間若干種性,以方便知見而為說法,拔出眾生處處貪著。我等於佛功德,言不能宣,唯佛世尊能知我等深心本願。」

爾時佛告諸比丘:「汝等見是富樓那彌多羅尼子不?我常稱其於說法人中最為第一,亦常歎其種種功德,精勤護持助宣我法,能於四眾示教利喜,具足解釋佛之正法,而大饒益同梵行者。自捨如來,無能盡其言論之辯。汝等勿謂富樓那但能護持助宣我法,亦於過去九十億諸佛所,護持助宣佛之正法,於彼說法人中亦最第一。又於諸佛所說空法,明了通達,得四無礙智,常能審諦清淨說法,無有疑惑,具足菩薩神通之力。隨其壽命,常修梵行,彼佛世人咸皆謂之實是聲聞;而富樓那以斯方便,饒益無量百千眾生,又化無量阿僧祇人,令立阿耨多羅三藐三菩提。為淨佛土故,常作佛事,教化眾生。

諸比丘!富樓那亦於七佛說法人中而得第一,今於我所說法 人中亦為第一,於賢劫中當來諸佛,說法人中亦復第一,而 皆護持助宣佛法。亦於未來,護持助宣無量無邊諸佛之法, 教化饒為無量眾生,令立阿耨多羅三藐三菩提。為淨佛土故 , 常勤精進教化眾生,漸漸具足菩薩之道。過無量阿僧祇劫 ,當於此十,得阿耨多羅三藐三菩提,號曰法明如來、應供 、正徧知、明行足、善浙、世間解、無上十、調御丈夫、天 人師、佛、世尊。其佛以恆河沙等三千大千世界為一佛土, 七寶為地,地平如堂,無有山陵谿澗溝壑,七寶臺觀充滿其 中,諸天宮殿近處虛空,人天交接,兩得相見。無諸惡道, 亦無女人,一切眾生,皆以化生,無有淫欲。得大神通,身 出光明,飛行自在,志念堅固,精進智慧,普皆金色,三十 二相而自莊嚴。其國眾生,常以二食:一者、法喜食,二者 、禪悅食。有無量阿僧祇千萬億那由它諸菩薩眾,得大神涌 、四無礙智,善能教化眾生之類。其聲聞眾,算數校計所不 能知,皆得具足六涌、三明及八解脫。其佛國土,有如是等 無量功德莊嚴成就。劫名寶明,國名善淨。其佛壽命無量阿 僧祇劫,法住甚久。佛滅度後,起七寶塔徧滿其國。」

爾時世尊欲重宣此義,而說偈言:

諸比丘諦聽 佛子所行道 善學方便故 不可得思議 知眾樂小法 而畏於大智 是故諸菩薩 作聲聞緣覺 以無數方便 化諸眾生類 自說是聲聞 去佛道甚遠 度脫無量眾 皆悉得成就 內秘菩薩行 外現是聲聞 示眾有三毒 又現邪見相 若我具足說 種種現化事 今此富樓那 於昔千億佛 為求無上慧 而於諸佛所 能令眾歡喜 所說無所畏 已度大神通 具四無礙智 演暢如是義 教諸千億眾 未來亦供養 無量無數佛 常以諸方便 說法無所畏 供養諸如來 護持法寶藏 其國名善淨 七寶所合成 其數無量億 皆度大神涌 三明八解脫 聲聞亦無數 其國諸眾生 淫欲皆已斷 法喜禪悅食 更無餘食想 富樓那比丘 功德悉成滿 如是無量事 我今但略說

雖小欲懈怠 漸當令作佛 少欲厭生死 實自淨佛土 我弟子如是 方便度眾生 眾生聞是者 心則懷疑惑 勤修所行道 宣護諸佛法 現居弟子上 多聞有智慧 未曾有疲倦 而以助佛事 知諸根利鈍 常說清淨法 令住大乘法 而自淨佛土 護助宣正法 亦自淨佛土 度不可計眾 成就一切智 其後得成佛 號名曰法明 劫名為寶明 菩薩眾甚多 威德力具足 充滿其國土 得四無礙智 以是等為僧 純一變化生 具相莊嚴身 無有諸女人 亦無諸惡道 賢聖眾甚多 當得斯淨土

爾時千二百阿羅漢,心自在者,作是念:「我等歡喜,得未曾有。若世尊各見授記,如餘大弟子者,不亦快乎!」

佛知此等心之所念,告摩訶迦葉:「是千二百阿羅漢,我今當現前次第與授阿耨多羅三藐三菩提記。於此眾中,我大弟子憍陳如比丘,當供養六萬二千億佛,然後得成為佛,號曰普明如來、應供、正徧知、明行足、善逝、世間解、無上士、調御丈夫、天人師、佛、世尊。其五百阿羅漢:優樓頻螺迦葉、伽耶迦葉、那提迦葉、迦留陀夷、優陀夷、阿翁樓馱、離婆多、劫賓那、薄拘羅、周陀、莎伽陀等,皆當得阿耨多羅三藐三菩提,盡同一號,名曰普明。」

爾時世尊欲重宣此義,而說偈言:

憍陳如比丘 當見無量佛 渦阿僧祇劫 乃成等正覺 常放大光明 具足諸神涌 名聞徧十方 一切之所敬 故號為普明 菩薩皆勇猛 常說無上道 其國土清淨 以無上供具 咸升妙樓閣 游諸十方國 奉獻於諸佛 有如是神力 作是供養已 心懷大歡喜 須臾還本國 佛壽六萬劫 正法住倍壽 像法復倍是 法滅天人憂 其五百比丘 次第當作佛 同號曰普明 轉次而授記 我滅度之後 某甲當作佛 其所化世間 亦如我今日 及諸神通力 菩薩聲聞眾 國土之嚴淨 正法及像法 壽命劫多少 皆如上所說 迦葉汝已知 五百自在者 餘諸聲聞眾 亦當復如是 汝當為宣說 其不在此會

爾時五百阿羅漢於佛前得授記已,歡喜踊躍,即從座起,到

於佛前,頭面禮足,悔過自責:「世尊!我等常作是念,自 謂已得究竟滅度,今乃知之,如無智者。所以者何?我等應 得如來智慧,而便自以小智為足。

世尊!譬如有人至親友家,醉酒而臥。是時親友官事當行,以無價寶珠繫其衣裏,與之而去。其人醉臥,都不覺知。起已遊行,到於他國。為衣食故,勤力求索,甚大艱難;若少有所得,便以為足。於後親友會遇見之,而作是言:『咄哉,丈夫!何為衣食乃至如是。我昔欲令汝得安樂、五欲自恣,於某年日月,以無價寶珠繫汝衣裏。今故現在,而汝不知。勤苦憂惱,以求自活,甚為癡也。汝今可以此寶貿易所須,常可如意,無所乏短。』

佛亦如是,為菩薩時,教化我等,令發一切智心。而尋廢忘,不知不覺。既得阿羅漢道,自謂滅度,資生艱難,得少為足。一切智願,猶在不失。今者世尊覺悟我等,作如是言: 『諸比丘!汝等所得,非究竟滅。我久令汝等種佛善根,以 方便故,示涅槃相,而汝謂為實得滅度。』

世尊!我今乃知實是菩薩,得受阿耨多羅三藐三菩提記。以是因緣,甚大歡喜,得未曾有。」

爾時阿若憍陳如等,欲重宣此義,而說偈言:

我等聞無上 安隱授記聲 今於世尊前 自悔諸過咎 如無智愚人 便自以為足 其家甚大富 具設諸肴膳 默與而捨去 時臥不覺知 求衣食自濟 資生甚艱難 不覺內衣裏 有無價寶珠 苦切責之已 示以所繫珠 富有諸財物 五欲而自恣 常愍見教化 令種無上願 得少涅槃分 白足不求餘 爾乃為真滅 得佛無上慧 身心徧歡喜 及轉次受決

歡喜未曾有 禮無量智佛 於無量佛寶 得少涅槃分 譬如貧窮人 往至親友家 以無價寶珠 繫著內衣裏 是人既已起 游行詣他國 得少便為足 更不願好者 與珠之親友 後見此貧人 貧人見此珠 其心大歡喜 我等亦如是 世尊於長夜 不覺亦不知 我等無智故 今佛覺悟我 言非實滅度 我今從佛間 授記莊嚴事

妙法蓮華經授學無學人記品第九

爾時阿難、羅睺羅而作是念:「我等每自思惟:『設得授記,不亦快乎。』」即從座起,到於佛前,頭面禮足,俱白佛言:「世尊!我等於此亦應有分,唯有如來,我等所歸。又我等為一切世間天、人、阿修羅所見知識:阿難常為侍者,護持法藏;羅睺羅是佛之子,若佛見授阿耨多羅三藐三菩提記者,我願既滿,眾望亦足。」爾時,學、無學聲聞弟子二千人,皆從座起,偏袒右肩,到於佛前,一心合掌,瞻仰世尊,如阿難、羅睺羅所願,住立一面。

爾時佛告阿難:「汝於來世當得作佛,號山海慧自在通王如來、應供、正徧知、明行足、善逝、世間解、無上士、調御丈夫、天人師、佛、世尊。當供養六十二億諸佛,護持法藏,然後得阿耨多羅三藐三菩提。数化二十千萬億恆河沙諸菩薩等,令成阿耨多羅三藐三菩提。國名常立勝幡,其土清淨,瑠璃為地。劫名妙音徧滿。其佛壽命,無量千萬億阿僧祇劫,若人於千萬億無量阿僧祇劫中算數校計,不能得知。正法住世倍於壽命,像法住世復倍正法。阿難!是山海慧自在通王佛,為十方無量千萬億恆河沙等諸佛如來,所共讚歎,稱其功德。」

爾時世尊欲重宣此義,而說偈言:

我今僧中說 阿難持法者 當供養諸佛 然後成正覺 號曰山海慧 自在通王佛 名常立勝幡 其國土清淨 教化諸菩薩 其數如恆沙 佛有大威德 名聞滿十方 壽命無有量 以愍眾生故 正法倍壽命 像法復倍是 如恆河沙等 無數諸眾生 於此佛法中 種佛道因緣

爾時會中新發意菩薩八千人,咸作是念:「我等尚不聞諸大菩薩得如是記,有何因緣而諸聲聞得如是決?」

爾時世尊知諸菩薩心之所念,而告之曰:「諸善男子!我與

阿難等,於空王佛所,同時發阿耨多羅三藐三菩提心。阿難 常樂多聞,我常勤精進,是故我已得成阿耨多羅三藐三菩提 ,而阿難護持我法,亦護將來諸佛法藏,教化成就諸菩薩眾 ,其本願如是,故獲斯記。」

阿難面於佛前,自聞授記及國土莊嚴,所願具足,心大歡喜,得未曾有。即時憶念過去無量千萬億諸佛法藏,通達無礙,如今所聞,亦識本願。

爾時阿難而說偈言:

世尊甚希有 令我念過去 無量諸佛法 如今日所聞我今無復疑 安住於佛道 方便為侍者 護持諸佛法

爾時佛告羅睺羅:「汝於來世當得作佛,號蹈七寶華如來、應供、正徧知、明行足、善逝、世間解、無上士、調御丈夫、天人師、佛、世尊。當供養十世界微塵等數諸佛如來,常為諸佛而作長子,猶如今也。是蹈七寶華佛,國土莊嚴,壽命劫數,所化弟子,正法、像法,亦如山海慧自在通王如來無異,亦為此佛而作長子。過是已後,當得阿耨多羅三藐三菩提。」

爾時世尊欲重宣此義,而說偈言:

我為太子時 羅睺為長子 我今成佛道 受法為法子

於未來世中 見無量億佛 皆為其長子 一心求佛道 羅睺羅密行 唯我能知之 現為我長子 以示諸眾生 無量億千萬 功德不可數 安住於佛法 以求無上道

爾時世尊見學、無學二千人,其意柔軟,寂然清淨,一心觀佛。佛告阿難:「汝見是學、無學二千人不?」

「唯然,已見。」

阿難!是諸人等,當供養五十世界微塵數諸佛如來,恭敬尊重,護持法藏。末後同時於十方國各得成佛,皆同一號,名 曰寶相如來、應供、正徧知、明行足、善逝、世間解、無上 士、調御丈夫、天人師、佛、世尊。壽命一劫,國土莊嚴, 聲聞、菩薩,正法、像法、皆悉同等。」

爾時世尊欲重宣此義,而說偈言。

是二千聲聞 今於我前住 悉皆與授記 未來當成佛 所供養諸佛 如上說塵數 護持其法藏 後當成正覺 各於十方國 悉同一名號 俱時坐道場 以證無上慧 皆名為寶相 國土及弟子 正法與像法 悉等無有異 咸以諸神通 度十方眾生 名聞普周徧 漸入於涅槃

爾時學、無學二千人,聞佛授記,歡喜踊躍而說偈言:

世尊慧燈明 我聞授記音 心歡喜充滿 如甘露見灌

妙法蓮華經法師品第十

爾時世尊因藥王菩薩,告八萬大士:「藥王!汝見是大眾中,無量諸天、龍王、夜叉、乾闥婆、阿脩羅、迦樓羅、緊那羅、摩睺羅伽、人與非人,及比丘、比丘尼、優婆塞、優婆夷,求聲聞者、求辟支佛者、求佛道者,如是等類,咸於佛前,聞妙法華經一偈一句,乃至一念隨喜者,我皆與授記,當得阿耨多羅三藐三菩提。」

佛告藥王:「又如來滅度之後,若有人聞妙法華經,乃至一偈一句,一念隨喜者,我亦與授阿耨多羅三藐三菩提記。若復有人:受持、讀誦、解說、書寫妙法華經,乃至一偈。於此經卷敬視如佛,種種供養:華、香、瓔珞、末香、塗香、燒香。繒蓋、幢旛、衣服、伎樂,乃至合掌恭敬。藥王!當知是諸人等,已曾供養十萬億佛,於諸佛所成就大願,愍眾生故,生此人間。

藥王!若有人問:『何等眾生,於未來世當得作佛?』應示:『是諸人等,於未來世必得作佛。』何以故?若善男子、善女人,於法華經,乃至一句,受持、讀誦、解說、書寫,種種供養經卷:華、香、瓔珞、末香、塗香、燒香、繒蓋、幢旛、衣服、伎樂,合掌恭敬;是人,一切世間所應瞻奉,

應以如來供養而供養之。當知此人是大菩薩,成就阿耨多羅 三藐三菩提,哀愍眾生,願生此間,廣演分別妙法華經。何 況盡能受持、種種供養者?

藥王!當知是人,自捨清淨業報,於我滅度後,愍眾生故, 生於惡世,廣演此經。若是善男子、善女人,我滅度後,能 竊為一人說法華經,乃至一句;當知是人則如來使,如來所 遣,行如來事。何況於大眾中廣為人說?

藥王!若有惡人,以不善心,於一劫中現於佛前,常毀罵佛,其罪尚輕;若人以一惡言,毀訾在家、出家讀誦法華經者,其罪甚重。

藥王!其有讀誦法華經者,當知是人以佛莊嚴而自莊嚴,則為如來肩所荷擔。其所至方,應隨向禮,一心合掌,恭敬供養,尊重讚歎,華、香、瓔珞,末香、塗香、燒香,繒蓋、幢旛,衣服、肴饌,作諸伎樂,人中上供,而供養之,應持天寶而以散之,天上寶聚應以奉獻。所以者何?是人歡喜說法,須臾聞之,即得究竟阿耨多羅三藐三菩提故。」

爾時世尊欲重宣此義,而說偈言:

若欲住佛道 成就自然智 常當勤供養 受持法華者 其有欲疾得 一切種智慧 當受持是經 并供養持者 若有能受持 妙法華經者 諸有能受持 妙法華經者 當知如是人 自在所欲生 應以天華香 及天寶衣服 吾滅後惡世 能持是經者 上饌眾甘美 及種種衣服 若能於後世 受持是經者 若於一劫中 常懷不善心 其有讀誦持 是法華經者 而於一劫中 有人求佛道 由是讚佛故 得無量功德 於八十億劫 以最妙色聲 如是供養已 若得須臾聞 藥王今告汝 我所說諸經

當知佛所使 愍念諸眾生 捨於清淨土 愍眾故生此 能於此惡世 廣說無上法 天上妙寶聚 供養說法者 當合掌禮敬 如供養世算 供養是佛子 冀得須臾聞 我潰在人中 行於如來事 作色而罵佛 獲無量重罪 須臾加惡言 其罪復過彼 以無數偈讚 合掌在我前 歎美持經者 其福復渦彼 及與香味觸 供養持經者 則應自欣慶 我今獲大利 而於此經中 法華最第一

爾時佛復告藥王菩薩摩訶薩:「我所說經典無量千萬億,已 說、今說、當說,而於其中,此法華經最為難信難解。

藥王!此經是諸佛秘要之藏,不可分布妄授與人;諸佛世尊之所守護,從昔已來,未曾顯說。而此經者,如來現在,猶 多怨嫉,況滅度後?

藥王!當知如來滅後,其能書、持、讀、誦、供養、為他人

說者,如來則為以衣覆之,又為他方現在諸佛之所護念。是 人有大信力,及志願力、諸善根力。當知是人與如來共宿, 則為如來手摩其頭。

藥王!在在處處,若說、若讀、若誦、若書,若經卷所住處,皆應起七寶塔,極令高廣嚴飾,不須復安舍利。所以者何?此中已有如來全身。此塔,應以一切華、香、瓔珞,繒蓋、幢旛,伎樂、歌頌,供養恭敬,尊重讚歎。若有人得見此塔,禮拜、供養,當知是等皆近阿耨多羅三藐三菩提。

藥王!多有人在家、出家行菩薩道,若不能得見聞、讀誦、書持、供養是法華經者,當知是人未善行菩薩道;若有得聞是經典者,乃能善行菩薩之道。其有眾生求佛道者,若見、若聞是法華經,聞已信解受持者,當知是人得近阿耨多羅三藐三菩提。

藥王!譬如有人渴乏須水,於彼高原穿鑿求之,猶見乾土,知水尚遠;施功不已,轉見濕土,遂漸至泥,其心決定、知水必近。菩薩亦復如是,若未聞、未解、未能修習是法華經者,當知是人去阿耨多羅三藐三菩提尚遠;若得聞解、思惟、修習,必知得近阿耨多羅三藐三菩提。所以者何?一切菩薩阿耨多羅三藐三菩提,皆屬此經:此經開方便門,示真實相。是法華經藏,深固幽遠,無人能到,今佛教化成就菩薩

而為開示。

藥王!若有菩薩聞是法華經,驚疑、怖畏,當知是為新發意菩薩;若聲聞人聞是經,驚疑、怖畏,當知是為增上慢者。

藥王!若有善男子、善女人,如來滅後,欲為四眾說是法華經者,云何應說?是善男子、善女人,入如來室,著如來衣,坐如來座,爾乃應為四眾廣說斯經。如來室者,一切眾生中大慈悲心是;如來衣者,柔和忍辱心是;如來座者,一切法空是。安住是中,然後以不懈怠心,為諸菩薩及四眾廣說是法華經。

藥王!我於餘國, 遺化人為其集聽法眾, 亦遺化比丘、比丘尼、優婆塞、優婆夷聽其說法, 是諸化人, 聞法信受, 隨順不逆。若說法者在空閒處, 我時廣遺天、龍、鬼神、乾闥婆、阿修羅等, 聽其說法。我雖在異國, 時時令說法者得見我身。若於此經忘失句讀, 我還為說, 令得具足。」

爾時世尊欲重宣此義,而說偈言:

欲捨諸懈怠 應當聽此經 是經難得聞 信受者亦難 如人渴須水 穿鑿於高原 猶見乾燥土 知去水尚遠 漸見濕土泥 決定知近水 藥王汝當知 如是諸人等 不聞法華經 去佛智甚遠 若聞是深經 決了聲聞法 是諸經之王 聞已諦思惟 若人說此經 應入如來室 處眾無所畏 廣為分別說 諸法空為座 處此為說法 加刀杖瓦石 念佛故應忍 為眾生說法 於無量億劫 我遣化四眾 比丘比丘尼 引導諸眾生 集之令聽法 則潰變化人 為之作衛護 讀誦此經典 寂寞無人聲 若忘失童句 為說令誦利 空處讀誦經 皆得見我身 夜叉鬼神等 為作聽法眾 諸佛護念故 能令大眾喜 隨順是師學 得見恆沙佛

當知此人等 近於佛智慧 著於如來衣 而坐如來座 大慈悲為室 柔和忍辱衣 若說此經時 有人惡口罵 我千萬億土 現淨堅固身 若我滅度後 能說此經者 及清淨士女 供養於法師 若人欲加惡 刀杖及瓦石 若說法之人 獨在空間處 我爾時為現 清淨光明身 若人具是德 或為四眾說 若人在空間 我遣天龍王 是人樂說法 分別無罣礙 若親沂法師 谏得菩薩道

妙法蓮華經見寶塔品第十一

爾時佛前有七寶塔,高五百由旬,縱廣二百五十由旬,從地湧出,住在空中,種種寶物而莊校之。五千欄楯,龕室千萬,無數幢旛以為嚴飾,垂寶瓔珞寶鈴萬億而懸其上。四面皆出多摩羅跋栴檀之香,充徧世界。其諸旛蓋,以金、銀、瑠璃、硨磲、瑪瑙、真珠、玫瑰、七寶合成,高至四天王宮。三十三天雨天曼陀羅華,供養寶塔。餘諸天、龍、夜叉、乾

園婆、阿脩羅、迦樓羅、緊那羅、摩睺羅伽、人、非人等, 千萬億眾,以一切華、香、瓔珞、旛蓋、伎樂,供養寶塔, 恭敬、尊重、讚歎。爾時寶塔中出大音聲歎言:「善哉,善 哉!釋迦牟尼世尊!能以平等大慧,教菩薩法,佛所護念, 妙法華經,為大眾說。如是,如是!釋迦牟尼世尊!如所說 者,皆是真實。」

爾時四眾,見大寶塔住在空中,又聞塔中所出音聲,皆得法喜,怪未曾有,從座而起,恭敬合掌,卻住一面。爾時有菩薩摩訶薩,名大樂說,知一切世間天、人、阿修羅等心之所疑,而白佛言:「世尊!以何因緣,有此寶塔從地湧出,又於其中發是音聲?」

爾時佛告大樂說菩薩:「此寶塔中有如來全身,乃往過去東方無量千萬億阿僧祇世界,國名寶淨,彼中有佛,號曰多寶。其佛行菩薩道時,作大誓願:『若我成佛、滅度之後,於十方國土有說法華經處,我之塔廟,為聽是經故,湧現其前,為作證明,讚言善哉。』

彼佛成道已,臨滅度時,於天人大眾中告諸比丘:『我滅度後,欲供養我全身者,應起一大塔。』其佛以神通願力,十 方世界,在在處處,若有說法華經者,彼之寶塔皆湧出其前,全身在於塔中,讚言:『善哉,善哉!』 大樂說!今多寶如來塔,聞說法華經故,從地湧出,讚言:『善哉,善哉!』」

是時大樂說菩薩,以如來神力故,白佛言:「世尊!我等願欲見此佛身。」

佛告大樂說菩薩摩訶薩:「是多寶佛,有深重願:『若我寶塔,為聽法華經故,出於諸佛前時,其有欲以我身示四眾者,彼佛分身諸佛:在於十方世界說法,盡還集一處,然後我身乃出現耳。』

大樂說!我分身諸佛:在於十方世界說法者,今應當集。」

大樂說白佛言:「世尊!我等亦願欲見世尊分身諸佛,禮拜 供養。」

爾時佛放白毫一光,即見東方五百萬億那由他恆河沙等國土諸佛,彼諸國土,皆以玻瓈為地,寶樹、寶衣以為莊嚴,無數千萬億菩薩充滿其中,徧張寶幔,寶網羅上。彼國諸佛,以大妙音而說諸法,及見無量千萬億菩薩,徧滿諸國,為眾說法。南西北方、四維上下,白毫相光所照之處,亦復如是。爾時十方諸佛,各告眾菩薩言:「善男子!我今應往娑婆

世界,釋迦牟尼佛所,并供養多寶如來寶塔。」

時娑婆世界即變清淨,瑠璃為地,寶樹莊嚴,黃金為繩以界 八道,無諸聚落、村營、城邑、大海、江河、山川、林藪。 燒大寶香,曼陀羅華徧布其地。以寶網幔,羅覆其上,懸諸 寶鈴。唯留此會眾,移諸天人置於他土。

是時,諸佛各將一大菩薩以為侍者,至娑婆世界,各到寶樹下。一一寶樹高五百由旬,枝、葉、華、果次第莊嚴,諸寶樹下皆有師子之座,高五由旬,亦以大寶而校飾之。爾時諸佛,各於此座結跏趺坐。如是展轉徧滿三千大千世界,而於釋迦牟尼佛,一方所分之身猶故未盡。

時釋迦牟尼佛,欲容受所分身諸佛故,八方各更變二百萬億那由他國,皆令清淨,無有地獄、餓鬼、畜生及阿脩羅,又移諸天、人置於它土。所化之國,亦以瑠璃為地,寶樹莊嚴,樹高五百由旬,枝、葉、華、果次第嚴飾,樹下皆有寶師子座,高五由旬,種種諸寶以為莊校。亦無大海、江河,及目真鄰陀山、摩訶目真鄰陀山、鐵圍山、大鐵圍山、須彌山等諸山王,通為一佛國土。寶地平正,寶交露幔徧覆其上;懸諸旛蓋,燒大寶香,諸天寶華徧布其地。

釋迦牟尼佛為諸佛當來坐故,復於八方各更變二百萬億那由

他國,皆令清淨,無有地獄、餓鬼、畜生及阿脩羅,又移諸天、人置於他土。所化之國,亦以瑠璃為地,寶樹莊嚴,樹高五百由旬,枝、葉、華、果次第莊嚴,樹下皆有寶師子座,高五由旬,亦以大寶而校飾之。亦無大海、江河,及目真鄰陀山、摩訶目真鄰陀山、鐵圍山、大鐵圍山、須彌山等諸山王,通為一佛國土。寶地平正,寶交露幔、徧覆其上;懸諸旛蓋,燒大寶香,諸天寶華徧布其地。

爾時東方釋迦牟尼所分之身,百千萬億那由他恆河沙等國土中諸佛,各各說法,來集於此;如是次第十方諸佛皆悉來集,坐於八方。爾時一一方,四百萬億那由他國土諸佛如來徧滿其中。是時,諸佛各在寶樹下,坐師子座,皆遣侍者問訊釋迦牟尼佛,各齎寶華滿掬而告之言:「善男子!汝往詣耆闍崛山釋迦牟尼佛所,如我辭曰:『少病、少惱,氣力安樂,及菩薩、聲聞眾悉安隱不?』以此寶華散佛供養,而作是言:『彼某甲佛,與欲開此寶塔。』諸佛遣使,亦復如是。

爾時釋迦牟尼佛,見所分身佛悉已來集,各各坐於師子之座,皆聞諸佛與欲同開寶塔。即從座起,住虛空中。一切四眾,起立合掌,一心觀佛。於是釋迦牟尼佛,以右指開七寶塔戶,出大音聲,如卻關鑰開大城門。即時一切眾會,皆見多寶如來於寶塔中坐師子座,全身不散,如入禪定。又聞其言:「善哉,善哉!釋迦牟尼佛!快說是法華經,我為聽是經

故而來至此。」爾時四眾等,見過去無量千萬億劫滅度佛說 如是言,歎未曾有,以天寶華聚,散多寶佛及釋迦牟尼佛上 。

爾時多寶佛,於寶塔中分半座與釋迦牟尼佛,而作是言:「釋迦牟尼佛!可就此座。」即時釋迦牟尼佛入其塔中,坐其半座,結跏趺坐。爾時大眾見二如來,在七寶塔中師子座上結跏趺坐,各作是念:「佛坐高遠,惟願如來以神通力,令我等輩俱處虛空。」即時釋迦牟尼佛以神通力,接諸大眾皆在虛空,以大音聲普告四眾:「誰能於此娑婆國土廣說妙法華經,今正是時。如來不久當入涅槃,佛欲以此妙法華經付囑有在。」

爾時世尊欲重宣此義,而說偈言:

聖主世尊 雖久滅度 在寶塔中 尚為法來 諸人云何 不勤為法 此佛滅度 無央數劫 處處聽法 以難遇故 彼佛本願 我滅度後 常為聽法 又我分身 無量諸佛 在在所往 多寶如來 如恆沙等 來欲聽法 及見滅度 天人龍神 各捨妙土 及弟子眾 諸供養事 令法久住 故來至此 為坐諸佛 以神通力 移無量眾 令國清淨 諸佛各各 詣寶樹下 如清淨池 蓮華莊嚴 其寶樹下 諸師子座

佛坐其上 身出妙香 譬如大風 告諸大眾 今於佛前 以大誓願 所集化佛 當發大願 則為供養 常遊十方 莊嚴光飾 多寶如來 此為難事 雖說此等 無數佛土 遠擲他國 無量餘經 能說此經 而以遊行 若使人書 升於梵天 暫讀此經 入中不燒

光明嚴飾 徧十方國 吹小樹枝 我滅度後 自說誓言 而師子吼 當知此意 令得久住 我及多寶 為是經故 諸世界者 及諸化佛 宜發大願 未足為難 亦未為難 亦未為難 亦未為難 是則為難 亦未為難 是則為難 亦未為難 是則為難 亦未為難

如夜闇中 眾生蒙薰 以是方便 誰能護持 其多寶佛 多寶如來 諸佛子等 其有能護 此多寶佛 亦復供養 若說此經 諸善男子 諸餘經典 若接須彌 若以足指 若立有頂 若佛滅後 假使有人 於我滅後 若以大地 佛滅度後 假使劫燒 我滅度後

然大炬火 喜不自勝 令法久住 讀說斯經 雖久滅度 及與我身 誰能護法 此經法者 處於寶塔 諸來化佛 則為見我 各諦思惟 數如恆沙 擲置他方 動大千界 為眾演說 於惡世中 手把虚空 若自書持 置足甲上 於惡世中 擔負乾草 若持此經 為一人說 是則為難 若持八萬 四千法藏 十二部經 為人演說 令諸聽者 得六神通 亦未為難 雖能如是 於我滅後 聽受此經 問其義趣 是則為難 若人說法 令千萬億 無量無數 恆沙眾生 得阿羅漢 具六神涌 於我滅後 雖有是為 亦未為難 若能奉持 是則為難 我為佛道 於無量土 如斯經典 從始至今 廣說諸經 而於其中 此經第一 則持佛身 若有能持 諸善男子 於我滅後 誰能受持 自說誓言 讀誦此經 今於佛前 此經難持 若暫持者 我則歡喜 諸佛亦然 諸佛所歎 是則勇猛 是則精進 如是之人 無上佛道 是名持戒 行頭陀者 則為疾得 能於來世 讀持此經 是真佛子 住淳善地 是諸天人 佛滅度後 能解其義 世間之眼 於恐畏世 能須臾說 一切天人 皆應供養

妙法蓮華經提婆達多品第十二

爾時佛告諸菩薩及天人四眾:「吾於過去無量劫中,求法華經,無有懈惓。於多劫中常作國王,發願求於無上菩提,心不退轉。為欲滿足六波羅密,勤行布施,心無吝惜,象、馬、七珍、國、城、妻、子,奴婢、僕從,頭、目、髓、腦,身、肉、手、足。不惜軀命。時世人民壽命無量,為於法故

,捐捨國位,委政太子,擊鼓宣令四方求法:『誰能為我說大乘者,吾當終身供給走使。』時有仙人來白王言:『我有大乘,名妙法華經。若不違我,當為宣說。』王聞仙言,歡喜踊躍,即隨仙人,供給所須:采果、汲水、拾薪、設食,乃至以身而為床座。身心無惓,于時奉事。經於千歲,為於法故,精勤給侍,令無所乏。」

爾時世尊欲重宣此義,而說偈言:

我念渦去劫 為求大法故 雖作世國王 不貪五欲樂 椎鍾告四方 誰有大法者 若為我解說 身當為奴僕 時有阿私仙 來白於大王 我有微妙法 世間所希有 吾當為汝說 若能修行者 時王聞仙言 心生大喜悅 即便隨仙人 供給於所須 采薪及果蓏 隨時恭敬與 情存妙法故 身心無懈惓 普為諸眾生 勤求於大法 亦不為己身 及以五欲樂 故為大國王 勤求獲此法 **爹致得成佛** 今故為汝說

佛告諸比丘:「爾時王者,則我身是;時仙人者,今提婆達多是。由提婆達多善知識故,令我具足六波羅密,慈悲喜捨,三十二相,八十種好,紫磨金色,十力、四無所畏、四攝法、十八不共神通道力,成等正覺,廣度眾生,皆因提婆達多善知識故。」

告諸四眾:「提婆達多卻後過無量劫,當得成佛,號曰天王如來、應供、正徧知、明行足、善逝、世間解、無上士、調御丈夫、天人師、佛、世尊。世界名天道。時天王佛住世二十中劫,廣為眾生說於妙法,恆河沙眾生得阿羅漢果,無量眾生發緣覺心,恆河沙眾生發無上道心,得無生忍,至不退轉。時天王佛般涅槃後,正法住世二十中劫。全身舍利起七寶塔,高六十由旬,縱廣四十由旬,諸天人民,悉以雜華、末香、燒香、塗香,衣服、瓔珞、幢旛、寶蓋,伎樂、歌頌,禮拜供養七寶妙塔。無量眾生得阿羅漢果,無量眾生悟辟支佛,不可思議眾生發菩提心,至不退轉。」

佛告諸比丘:「未來世中,若有善男子、善女人,聞妙法華 經提婆達多品,淨心信敬不生疑惑者,不墮地獄、餓鬼、畜 生,生十方佛前,所生之處,常聞此經。若生人天中,受勝 妙樂,若在佛前,蓮華化生。」

於時下方多寶世尊所從菩薩,名曰智積,白多寶佛:「當還本土。」釋迦牟尼佛告智積曰:「善男子!且待須臾。此有菩薩,名文殊師利,可與相見,論說妙法,可還本土。」

爾時文殊師利,坐千葉蓮華,大如車輪,俱來菩薩亦坐寶蓮華:從於大海娑竭羅龍宮自然湧出,住虛空中,詣靈鷲山,從蓮華下,至於佛所,頭面敬禮二世尊足。修敬已畢,往智

積所,共相慰問,卻坐一面。

智積菩薩問文殊師利:「仁往龍宮,所化眾生,其數幾何?」

文殊師利言:「其數無量,不可稱計,非口所宣,非心所測,且待須臾,自當證知。」所言未竟,無數菩薩坐寶蓮華,從海湧出,詣靈鷲山,住在虚空。此諸菩薩,皆是文殊師利之所化度,具菩薩行,皆共論說六波羅蜜。本聲聞人,在虚空中說聲聞行,今皆修行大乘空義。文殊師利謂智積曰:「於海教化,其事如是。」

爾時智積菩薩,以偈讚曰:

大智德勇健 化度無量眾 今此諸大會 及我皆已見演暢實相義 開闡一乘法 廣導諸眾生 令速成菩提

文殊師利言:「我於海中,唯常宣說妙法華經。」

智積問文殊師利言:「此經甚深微妙,諸經中寶,世所希有。頗有眾生,勤加精進,修行此經,速得佛不?」

文殊師利言:「有娑竭羅龍王女,年始八歲,智慧利根,善知眾生諸根行業,得陀羅尼,諸佛所說甚深秘藏,悉能受持

。深入禪定,了達諸法,於剎那頃發菩提心,得不退轉,辯才無礙。慈念眾生猶如赤子,功德具足,心念口演,微妙廣大,慈悲仁讓,志意和雅,能至菩提。」

智積菩薩言:「我見釋迦如來,於無量劫難行苦行,積功累德,求菩提道,未曾止息。觀三千大千世界,乃至無有如芥子許非是菩薩捨身命處,為眾生故,然後乃得成菩提道。不信此女於須臾頃,便成正覺。」

言論未訖,時龍王女忽現於前,頭面禮敬,卻住一面,以偈 讚曰:

深達罪福相 徧照於十方 微妙淨法身 具相三十二以八十種好 用莊嚴法身 天人所戴仰 龍神咸恭敬一切眾生類 無不宗奉者 又聞成菩提 唯佛當證知我闡大乘教 度脫苦眾生

時舍利弗語龍女言:「汝謂不久得無上道,是事難信。所以者何?女身垢穢,非是法器,云何能得無上菩提。佛道懸曠,經無量劫勤苦積行,具修諸度,然後乃成。又女人身猶有五障:一者、不得作梵天王,二者、帝釋,三者、魔王,四者、轉輪聖王,五者、佛身。云何女身速得成佛?」

爾時龍女有一寶珠,價直三千大千世界,持以上佛。佛即受

之。龍女謂智積菩薩、尊者舍利弗言:「我獻寶珠,世尊納受,是事疾不?」

答言:「甚疾。」

女言:「以汝神力,觀我成佛,復速於此。」

當時眾會,皆見龍女忽然之間變成男子,具菩薩行,即往南方無垢世界,坐寶蓮華,成等正覺,三十二相、八十種好, 普為十方一切眾生演說妙法。

爾時娑婆世界,菩薩、聲聞、天龍八部、人與非人,皆遙見彼龍女成佛,普為時會人天說法,心大歡喜,悉遙敬禮。無量眾生,聞法解悟,得不退轉;無量眾生,得受道記。無垢世界,六反震動;娑婆世界,三千眾生住不退地,三千眾生發菩提心而得受記。智積菩薩及舍利弗,一切眾會,默然信受。

妙法蓮華經持品第十三

爾時藥王菩薩摩訶薩及大樂說菩薩摩訶薩,與二萬菩薩眷屬俱,皆於佛前作是誓言:「惟願世尊不以為慮。我等於佛滅後,當奉持、讀誦、說此經典。後惡世眾生,善根轉少,多增上慢,貪利供養,增不善根,遠離解脫。雖難可教化,我

等當起大忍力,讀誦此經,持說、書寫、種種供養,不惜身 命。」

爾時眾中五百阿羅漢得受記者、白佛言:「世尊!我等亦自誓願,於異國土、廣說此經。」

復有學、無學八千人、得受記者,從座而起,合掌向佛作是 誓言:「世尊!我等亦當於他國土廣說此經。所以者何?是 娑婆國中,人多弊惡,懷增上慢,功德淺薄、瞋濁諂曲,心 不實故。」

爾時佛姨母摩訶波閣波提比丘尼,與學、無學比丘尼六千人俱,從座而起,一心合掌,瞻仰尊顏,目不暫捨。於時世尊告憍曇彌:「何故憂色而視如來,汝心將無謂我不說汝名,授阿耨多羅三藐三菩提記耶?憍曇彌!我先總說一切聲聞皆已授記,今汝欲知記者,將來之世,當於六萬八千億諸佛法中為大法師,及六千學、無學比丘尼俱為法師。汝如是漸漸具菩薩道,當得作佛,號一切眾生喜見如來、應供、正徧知、明行足、善逝、世間解、無上士、調御丈夫、天人師、佛、世尊。憍曇彌!是一切眾生喜見佛及六千菩薩,轉次授記得阿耨多羅三藐三菩提。」

爾時羅睺羅母耶輸陀羅比丘尼作是念:「世尊於授記中,獨

不說我名。」

佛告耶輸陀羅:「汝於來世百千萬億諸佛法中修菩薩行,為 大法師,漸具佛道。於善國中當得作佛,號具足千萬光相如 來、應供、正徧知、明行足、善逝、世間解、無上士、調御 丈夫、天人師、佛、世尊。佛壽無量阿僧祇劫。」

爾時摩訶波閣波提比丘尼及耶輸陀羅比丘尼,并其眷屬,皆 大歡喜,得未曾有,即於佛前而說偈言: 世尊導師 安隱天人 我等聞記 心安具足

諸比丘尼說是偈已,白佛言:「世尊!我等亦能於他方國廣 宣此經。」

爾時世尊視八十萬億那由他諸菩薩摩訶薩。是諸菩薩,皆是阿惟越致,轉不退法輪,得諸陀羅尼。即從座起,至於佛前,一心合掌,而作是念:「若世尊告敕我等持說此經者,當如佛教,廣宣斯法。」復作是念:「佛今默然,不見告敕,我當云何?」時諸菩薩敬順佛意,并欲自滿本願,便於佛前,作師子吼而發誓言:「世尊!我等於如來滅後,周旋往反十方世界,能令眾生書寫此經,受持、讀誦,解說其義,如法修行,正憶念,皆是佛之威力。惟願世尊,在於他方遙見守護。」

即時諸菩薩俱同發聲,而說偈言:

惟願不為慮 於佛滅度後 有諸無智人 惡口罵詈等 惡世中比丘 邪智心諂曲 或有阿練若 納衣在空間 貪著利養故 與白衣說法 是人懷惡心 常念世俗事 而作如是言 此諸比丘等 自作此經典 誑惑世間人 常在大眾中 欲毀我等故 及餘比丘眾 誹謗說我惡 我等敬佛故 悉忍是諸惡 皆當忍受之 如此輕慢言 罵詈毀辱我 惡鬼入其身 為說是經故 忍此諸難事 我等於來世 護持佛所囑 不知佛方便 隨宜所說法 遠離於塔寺 如是等眾惡 諸聚落城邑 其有求法者 我是世尊使 處眾無所畏 我於世尊前 諸來十方佛 妙法蓮華經卷第四

恐怖惡世中 我等當廣說 及加刀杖者 我等皆當忍 未得謂為得 我慢心充滿 自謂行真道 輕賤人間者 如六通羅漢 為世所恭敬 假名阿練若 好出我等過 為貪利養故 說外道論義 為求名聞故 分別於是經 向國王大臣 婆羅門居士 謂是邪見人 說外道論義 為斯所輕言 汝等皆是佛 濁劫惡世中 多有諸恐怖 我等敬信佛 當著忍辱鎧 我不爱身命 但惜無上道 世尊自當知 濁世惡比丘 惡口而顰蹙 數數見擯出 念佛告敕故 皆當忍是事 我皆到其所 說佛所囑法 我當善說法 願佛安隱住 發如是誓言 佛自知我心 離婆離婆帝 求訶求訶帝 陀羅尼帝 尼訶囉帝 毗黎你帝 摩訶伽帝 真陵乾帝 娑婆訶 (七遍)

南無喝囉怛那 哆囉夜耶 佉囉佉囉 俱住俱住 摩囉摩囉 虎囉 吽 賀賀 蘇怛拏 吽 潑抹拏 娑婆訶 (三遍)

五百弟子 記證金仙 多寶佛塔湧其前樂說起根源 為法求賢 聽演妙蓮詮 南無法華會上佛菩薩 (三唱)

願以此功德 莊嚴佛淨土 上報四聖恩 下濟六凡苦 所有法界眾 悉修菩提行 盡此一報身 同生極樂國